

T 7903/1129 (63)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

63

14 OCT 1951

傷寒證治準繩帙之六

金壇王肯堂輯

門人南昌張

綽校

哈佛大學哈佛藥宗
圖書館珍藏印

小便不利

小便難

成小便不利有數種被下而小便不利者津液耗於內也
也因汗而小便不利者津液亡於外也發黃與痞及夫
熱病小便不利者熱鬱所致風濕相搏與夫陽明風中
其小便不利寒邪所乘其小便難者亦多由汗下而然
宜詳辨之

太陽傷寒表不解心下有水氣乾嘔發熱而欬或渴或
利或噎或小便不利少腹滿或喘者小青龍湯去麻黃

加茯苓方見太陽病大發汗後胃乾煩躁不得眠欲

飲水小便不利脉浮者五苓散不浮者猪苓湯本以

下之心下痞與瀉心湯痞不解渴而口燥煩小便不利

者五苓散服桂枝湯或汗或下之仍頭項強痛翕翕

發熱無汗心滿微痛小便不利者桂枝去桂加茯苓白

朮湯方見太陽病飲水多必心下悸小便少者茯苓甘草

湯方見若兼身黃而小腹鞭脉沉結者茵陳湯方見

發黃亦茵陳湯梔子葉皮湯

陽明病面合赤色不可攻之必發熱色黃小便不利也

陽明病小便不利若中寒不能食手足澀然汗出大

便初鞭後澹者此欲作固瘕若能食大便自調其人

骨節疼翕翕如有熱狀奄然發狂澀然汗出而解者此

水不勝穀氣與汗共併脉緊則愈或無汗心中懊懣

或被火額上微汗出或頭汗出身無汗劑頸而還渴引

水漿皆欲發黃之候若脉浮發熱渴欲飲水小便不

利者猪苓湯主之此浮字誤也活人云脉浮者五苓散

脫一不字也按太陽篇內五苓散乃猪苓澤瀉茯苓三

味中加桂白朮也陽明篇內猪苓湯乃猪苓澤瀉茯苓三

膠滑石味甘阿膠滑石也桂與白朮味甘辛為陽主外阿

文之有闕也更詳太陽證固當脈浮而陽明為表之裏故其脈不曰浮而曰長蓋長者不浮不沉之中脈也成氏直以脈浮釋之而朱氏却以脈沉言之胥失之矣若曰脈浮者五苓散不浮者猪苓湯則得仲景之意矣又詳少陰病下利六七日欬而嘔渴心煩不得眠者猪苓湯一條雖不言脈沉然少陰之脈必沉也豈活人以少陰對太陽一證而言與以此推之成氏隨文誤釋明矣

難乍易時有微熱喘冒不能卧者有燥屎也宜大承氣湯
得病二三日脈弱無太陽柴胡證煩躁心下鞭至四五日雖能食以小承氣湯少少與微和之若不大便六七日小便少者雖不能食但初頭鞭後必澹須小便利尿定鞭乃可用大承氣攻之
少陽傷寒五六日中風往來寒熱胸脇痛不欲食心煩

喜嘔或心下悸小便不利者小柴胡湯 傷寒五六日

已汗復下胸脇滿微結小便不利渴而不嘔但頭汗心

煩往來寒熱為未解柴胡桂薑湯 傷寒八九日下之

胸滿煩驚小便不利譫語身重不可轉側柴胡加龍骨

牡蠣湯

少陰小便不利而大便自利腹痛為少陰病 兼四肢

沉重有水氣者真武湯 兼便膿血者朮花湯 兼四

逆者四逆散加茯苓

厥陰傷寒噦而腹滿視其前後知何部不利利之則愈

前部為小便小便不利脈浮者五苓散不浮者猪苓湯

小便不利關節疼痛若痛不得屈伸汗出惡風身腫者屬風濕宜甘草附子湯方見身痛若脈沉緩大便反快者屬濕痺活人用五苓散方見渴

○附

活陰證小便不利手足厥冷脈微細者不宜服利小便

冷滑藥但服返陰丹并取臍下石門穴灸之方論見陰毒

集傷寒小便不通取陰谷 陰陵泉

吳凡傷寒小便不通刺任脈二穴在臍下一寸用長針入八分又次支溝二穴在手腕後三寸兩骨之間陷中針入二分凡傷寒小便不利當分六經治之太陰少陰

詳見本條太陰腹滿自利小便不利無熱脈沉者理中湯合五苓散更加厚朴木香分利其小便而大便自止厥陰寒閉厥冷脈伏囊縮入腹小便不利宜四逆湯通草茯苓或灸氣海石門穴或以蔥熨法治之若陰虛火動小便赤澀不利者加木通生地知母黃蘗凡內熱盛大便不通小便赤澀不利者八正散治之凡不渴小便不利者熱在血分也宜知母黃蘗生地之類夫膀胱為津液之府氣化而能出也若汗多者津液外泄小便因少不可利之恐重亡津液待汗止小便自行又小便自利不可妄利之恐引熱入膀胱則變畜血又為害也

便難

傷寒小便不利

小便難汗後小便難若太陽發汗遂漏不止者則惡風

小便難四肢難屈伸宜桂枝附子湯方論見若太陽

證中風以火劫發汗則邪風被火熱血氣流溢身黃陽

盛陰虛欲衄小便難也方論見若少陰以火劫汗者

則欬而下利譫語小便難也論見

下後小便難有二若脉遲浮弱惡風寒下之者則脇滿

身黃項強小便難也見脇若陽明胃實發熱惡寒脉

浮緊下之者則腹滿小便難也論見

脇痛身黃小便難若陽明胃實未下者宜小柴胡湯若

下後不食項強者忌柴胡論見

下後小便難

黃少便

趙傷寒小便難仲景論有發汗漏不止桂枝加附子湯者有陽明中風或脉弦浮大而潮熱噦者或脉浮而緊誤下而成腹滿者又有陽明脉浮遲飽則微煩頭眩者活人問中當以傳經邪熱與漏風亡陽分作兩條其桂枝加附子湯證乃亡陽經虛所致豈得均太謂之陰虛陽湊為有熱耶要當以小柴胡證及誤下狂證穀疸證次於陽湊傳邪之下却別出一條云外有汗多亡陽津液不足亦有小便難者還以桂枝加附子湯證屬之

傷寒小便不利

四

小便自利

小便數

成小便自利有在表者有在裏者有熱而利者有寒而利者六經俱有之證難以槩治宜考經條分之可也小便數者三陽有在表者有在裏者三陰並無小便數之證宜詳察之

太陽病六七日表證仍在脉微而沉反不結胸其人發狂以熱在下焦小腹當鞭滿小便自利者下血乃愈抵當湯 太陽病身黃脉沉結小腹鞭小便自利其人如狂血證也抵當湯 傷寒有熱少腹滿應小便不利今反利者為有血也當下之不可餘藥宜抵當丸 傷寒

十三日不解過經譫語小便利而大便亦下利脉反和

調胃承氣證詳語太陽中風火劫汗後發黃欲衄小

便難頭汗出腹滿微喘口乾咽爛或不大便久則識語

甚者至噦捻衣摸牀小便利者可治詳語太陽病小

便利者以飲水多必心下悸小便少者必苦裏急小便

不利甘草茯苓湯 傷寒八九日風濕相搏身體疼煩

不能轉側不嘔不渴脉浮虛而澹者桂枝附子湯若其

人小便自利去桂枝加白朮湯 傷寒發熱惡寒大渴

欲飲水其腹必滿自汗小便利為欲解此肝乘肺名曰

橫刺期門

陽明病反無汗而小便利二三日嘔而欬手足厥者必

苦頭痛詳語得病二三日脉弱無太陽柴胡證煩躁

心下鞭以小承氣微和之不大便六七日小便少者雖

不能食但初鞭後澹未可攻小便利大承氣湯 傷寒

脉浮而緩手足自温係在太陰當發身黃若小便自利

不能發黃至七八日大便鞭為陽明病也大承氣湯

陽明病自汗更發汗小便利為津液內竭屎雖鞭不

可攻之宜蜜煎導而通之猪膽汁或土瓜根皆可為導

太陰傷寒脉浮而緩手足自温係在太陰當發黃小便

自利不發黃至七八日雖暴煩下利日十餘行必自止

按以上數條皆以小便自利為病蓋以驗病之下與不當下也若小便不利而少腹鞭者屎也當滲泄之若小便自利而少腹鞭者非血則糞也當通利之且病之發黃與不發黃及病之成與不成皆可於此而驗之焉

少陰病二三日至四五日腹滿小便不利四肢沉重疼痛自下利者為有水氣或小便利真武湯詳下既吐且利小便復利而大汗下利清穀內寒外熱脈微欲絕者四逆湯

厥陰傷寒熱少厥微指頭寒默默不欲食煩躁數日小

便利色白者此熱除也欲得食為病愈

小便數傷寒脈浮自汗小便數心煩微惡寒脚攣急者

慎不可行桂枝湯

甘草乾薑湯
芍藥甘草湯

趙大陽病自汗四肢拘急難以屈伸心煩微惡寒脚

攣急若小便數者慎不可行桂枝也宜與甘草乾薑

湯芍藥甘草湯此虛寒所致與上文客熱等證全不

相合又多四肢拘急難以屈伸八字即係前篇小便

難之證今却添入於此問小便數之下何耶又云傷

寒脈浮便數若胃中不和譫語者少與調胃承氣湯

蓋仲景論中此論專主胃氣不和譫語未嘗兼治脈

傷寒小便數
浮自汗小便數之證何不曰若服甘草乾薑湯後胃
氣不和譫語者少與調胃承氣湯不亦宜乎

跌陽脉浮而濇浮則胃氣強濇則小便數浮濇相搏大
便則難其脾為約麻仁丸 太陽病汗吐下後微煩小
便數大便因鞭與小承氣湯和之則愈 太陽病寸緩
關浮尺弱其人發熱汗出惡寒不嘔但心下痞者下之
早也如其不下病人不惡寒而渴者此轉屬陽明小便
數者大便必鞭

吳凡小便數者頻欲去而不多也太陽陽明治各有
條凡腎虛有熱小便頻數者清心蓮子飲或人參三

白湯加知母黃蘗 麥門石蓮肉之類或服滋補丸亦
佳或補中益氣加知母黃蘗生地黃麥門冬主之

目汗者不可汗不可下宜少與白虎湯
風濕病脉浮自汗出體重多眠若下之則小便不利直

視失溲 詳風

楊氏 士羸 曰膀胱瀦水下焦不攝則亦遺溺經云邪
中下焦陰氣為慄足膝逆冷便溺妄出合用四逆湯
下焦畜血小腹結急小便自利不禁輕者桃仁承

遺溺

三陽合病腹滿身重難轉側口中不仁面垢譫語遺尿

自汗者不可汗不可下宜少與白虎湯詳身重

風溫病脉浮自汗出體重多眠若下之則小便不利直

視失溲詳風溫

楊氏士羸曰膀胱瀦水下焦不攝則亦遺溺經云邪

中下焦陰氣為慄足膝逆冷便溺妄出合用四逆湯

下焦畜血小腹結急小便自利不禁輕者桃仁承

氣湯重者抵當湯

寸口脉微而澁微者衛氣不行澁者榮氣不逮榮衛不

傷寒遺尿 卷之六
能相將三焦無所仰身體痺不仁榮氣不足則煩疼口
難言衛氣虛則惡寒數欠三焦不歸其部上焦不歸者
噫而吞酢中焦不歸者不能消穀引食下焦不歸者則
遺洩

欬而小便利若失小便者不可發汗汗出則四肢厥冷
太陽病火熨其背大汗出譫語十餘日振慄下利欲
小便不得反嘔而失洩者此為欲解也詳譫語遺洩狂
言目反直視者此為駭絕

吳凡遺尿者小便白出而不知也其熱盛神昏遺尿
者為可治若陰證下寒逆冷遺尿脉沉微者多難治

宜附子湯加乾薑益智子以溫其下也若厥陰囊縮
逆冷脉微遺尿者四逆加吳茱萸湯溫之陽不迴者
死凡傷寒汗下後熱不解陰虛火動而遺尿者以人
參三白湯加知母黃檗或補中益氣湯加知母黃檗
麥門冬生地黃五味子之類主之若狂言直視譫語
遺尿者此為腎絕內經言膀胱不利為癃不約則遺
溺又曰水泉不止者膀胱不藏也蓋腎與膀胱為表
裏腎虛則膀胱之氣不約故遺尿也要在滋補膀胱
之氣也東垣謂洩便遺失為肺金虛又當補肺氣也
大抵肺虛腎虛熱甚者皆可治惟腎絕遺尿則不可

治此下焦氣絕不歸其部故也

噫氣

說文云噫飽食息也於介切俗作噯傷寒有二證皆由誤汗吐下胃氣弱而不和虛氣上逆心下痞鞭故下利者生薑瀉心湯不利者旋復代赭石湯

傷寒汗出解之後胃中不和心下痞鞭乾噫食臭脇下有水氣腹中雷鳴下利者生薑瀉心湯主之

傷寒發汗若吐若下解後心下痞鞭噫氣不除者旋復代赭石湯主之

○附

雲傷寒噫氣者何氣使然答曰胸中氣不交故也少陰

傷寒論卷之六
經至胃中交於厥陰水火相傳而有聲故噫氣也宜如
聖加枳實湯

如聖加枳實湯方

甘草

桔梗 各伍錢

枳實 炒叁錢

右剉細每服五錢入五味子半錢水煎服

傷寒汗下後喘而噫氣者宜如聖加人參藿香杏仁湯
如聖加人參藿香杏仁湯方

甘草

桔梗

人參

藿香

杏仁 各等分

右剉細每服五錢水煎服

噦即吃逆

噦即俗所謂吃逆雜病辨之甚詳按說文噦氣悟也於
月切又乙劣切乙劣之訛遂為吃逆亦猶俗呼團為突
欒角為葛洛其故明矣名世如東垣亦謂噦是乾嘔之
重者不知有聲無物皆為乾嘔豈以輕重分為二病哉
至所云欬逆者即今之喘嗽是也乃與吃逆混而為一
或以為噦皆不攷之過而得失利害係焉不可以不辨

胃寒傷寒大吐大下之極虛復極汗出者以其人外氣

拂鬱復與之水以發其汗因得噦所以然者胃中寒冷

故也成於表則身熱醫與之水以發其汗又亡陽氣外

虛寒相搏則噦也。吳茱萸湯理中湯。活人用。獨皮乾薑湯羌活附子散半夏生薑湯退陰散。

活人一云若服藥不瘥者灸之必愈其法婦人屈乳頭

一向下盡處背間灸三壯丈夫及乳小者以一指為率

男左女右艾炷如小豆許與乳相直間陷中動脈是

胃熱陽明中風脈弦浮大短氣腹滿脇下及心痛鼻乾

不得汗嗜卧一身及面目悉黃小便難有潮熱時時噦

肌續浮者與小柴胡湯若不尿腹滿加噦者不治詳胃實

傷寒噦而腹滿視其前後知何部不利利之則愈仲景

無方活人云前部宜緒芒湯後部宜調胃承氣湯

胃中虛冷不能食者飲水則噦與小承氣湯入腹中

不轉失氣者不可攻之攻之必脹滿不食與水則噦詳辨

本渴而飲水嘔者柴胡不中與也食穀者噦詳脇痛陽

明病胃實不能食者攻其熱必噦濕家頭汗出背強

惡寒欲覆被向火者下之早則噦詳體痛

太陽病以火劫發汗血氣流溢身黃欲衄頭汗腹滿譫

語甚者至噦捻衣摸牀小便利者可治論見頃汗

○附

橘皮乾薑湯

橘皮

通草

乾薑

炮

陽明病
桂心

甘草 炙各 貳兩

人參 壹兩

右剉如麻豆大每服四錢水一盞煎至六分去滓溫服日三

羌活附子散 治吃逆

羌活

附子 炮

藿香 微炒各 半兩

木香

乾薑 炮各如 棗許大

右為細末每服二錢水一盞鹽一捻同煎一二十沸

帶熱服一服止

半夏生薑湯 治噦欲死

生薑 貳兩 切

半夏 洗壹兩 貳錢半

右以水二盞煎至八分去滓分二服溫服

失下 海藏云傷寒咳逆脉散死 仲景之言不虛偽

大抵原因失下生 欬逆喉中陰不內 便軟性宜用

瀉心 便鞭尤宜大承氣 一藥神工作者誰 東垣

潔古為良劑

潔欬逆者火熱奔急上行而肺陰不內何其當哉故便

祕者宜大承氣下之便軟者瀉心湯主之

海少陰欬逆者此失下也陰消將盡陽逆上行使陰不

內也然陰既盡陽亦將盡也吸入腎與肝陽逆上行陰

入不內故為陽極脉微將盡者不宜下宜服瀉心湯養

陰退陽而已如不用瀉心湯涼膈散去硝黃清肺散亦可若脉左浮右沉實非表也裏極則反出於表也何以然欬逆舌強右脉實者知少陰裏也飲水過多心下痞而渴逆者五苓散主之別無惡候是也惡候生或兼以舌攣語言不正而反昏冒與咽痛者少陰也速下之宜大承氣湯也何以脉浮為表浮之實大沉之損小是為表也浮之實大沉之亦然即非表也邪入已深矣內熱當沉反浮陽極復之表也

陰證者內已伏陰陰氣太甚腎水擅權肝氣不生胃火已病丁火又消所以遊行相火寒邪迫而萃集於胸中

亦欲盡也故令人發熱大渴引飲欲去蓋覆病人獨覺熱他人按執之身體肌肉骨髓血脉俱寒此火即無根之火也故用丁香乾薑之類熱藥溫胃其火自下勻氣散

用川烏大者叁枚炮裂去皮臍

為細末每服三錢用黑豆三

十一粒砂糖同泡湯調乘熱細細飲之

治陰毒吃逆方本

川烏頭 乾薑 附子已上俱炮 肉桂

芍藥 半夏 炙甘草 吳茱萸

陳皮 大黃各等分

右為細末每服一錢水一盞生薑三五片煎至七分去查溫服

肉苳菘湯治傷寒汗後吃逆噫氣

肉苳菘壹箇 石蓮肉炒 藁香各壹兩 人參

丁香各半兩 枇杷葉伍片拭去毛

右剉細用水四盞生薑十片煎一二盞去滓空心溫服分二服

良薑湯

橘皮 良薑 桂枝 當歸各壹兩

杏仁貳拾箇 麻黃 甘草各半兩 檳榔叁個另為末

右咬咀用水四盞薑十片棗三枚同煎至二盞去查下檳榔末再煎三沸通口服一盞未已再服龐老云傷寒吃逆不止是陰陽氣升降欲作汗升之不下故胃氣上逆為吃逆無休止宜服此方

扁鵲中藏經治傷寒欬逆丁香散丁香柿蒂各一分甘草良薑各半錢沸湯點作一服乘熱猛喫極効

右以上五方陰證所宜

三因橘皮竹茹湯見雜病吃逆門

右方陽證所宜

治傷寒吃逆救急方

傷寒論
卷之六
香附子

橘核 炒各半兩

右細剉用酒半盞先將藥置銀石器內炒漸漸滴酒炒藥焦黃色研細末每二錢水一小盞煎至八分細細旋呷服一方單用香附子末

又方大蒜頭二箇煨爛研爆入白薑末

丸得為度

研和如梧

桐子大搗薤菜自然汁吞下二十九病退再服一十五丸

吳吃逆者氣上逆而為吃忒也醫方或以為欬逆者非也經曰欬逆上氣脉散者死謂其形損故也成無已注引千金方云欬逆上氣乃咳嗽也言心火以

刑肺金其氣噴逆而為嗽喘也若肺絕則脉散皮毛焦折而死故曰形損也與吃逆何相干哉吃逆有因胃熱失下而作者且其氣皆從胃至胸噎之間而為吃忒矣易老治法失下胃熱內實大便鞭者以承氣湯下之便軟者以瀉心湯主之胃虛有熱者橘皮竹茹湯有痰飲者半夏生薑湯或茯苓半夏湯若胃冷者橘皮乾薑湯加味理中湯要略言其氣自臍下直衝于胸噎間吃逆者此陰證也其病不在胃也且病下虛內以伏陰或誤用寒涼遂致冷極于下迫其相火上衝率集于胸中以為吃忒亦欲盡也病人煩躁

自覺甚熱他人以手按其肌膚則冷此為無根失守之火散亂為熱非實熱也乃水極似火若不識此誤用涼藥下咽則敗矣凡治須用活人羌活附子散或加味附子湯急溫其下真陽一回火降吃逆自止也如冷極吃逆不止者或兼以硫黃乳香散釁法或灸期門中脘關元氣海但要取手足溫暖脈生陽回陰退則生矣

瘧狀

楊瘧狀作止有時非若寒熱往來或踈或數而作止無定時也凡感冒之人忽覺毛寒股慄筋節拘攣百骸鼓撼嘔不欲食其寒不可禦未幾復轉而發熱者此即溫瘧不必謂瘧 肌自弦或洪數或緊實或虛緩或刮澀皆為瘧狀但以外證別之用藥固有本條小柴胡湯如前斟酌加減亦是活法雖然血虛能生寒熱敗血亦作寒熱陰陽相勝一證雖各有一方皆當以川芎為佐太陽病得之八九日如瘧狀發熱惡寒熱多寒少其人

不嘔清便欲自可一日二三度發脈微緩者為欲愈也

脈微而惡寒者此陰陽俱虛不可更發汗更下更吐也
面反有熱色者未欲解也以其不能得小汗出身必痒
宜桂枝麻黃各半湯 服桂枝湯大汗出脈洪大者與
桂枝湯如前法若形如瘧日再發者汗出必解宜桂枝
二麻黃一湯 成經曰如服一劑病證猶在者故當復作
本湯服之桂枝湯汗出後脈洪大者病猶
在也若形如瘧日再發邪氣客於榮衛之間
也與桂枝二麻黃一湯以解散榮衛之邪

桂枝二麻黃一湯方

桂枝

參錢
去麤皮

芍藥

參錢

麻黃

去節
壹錢陸分

生薑

切
參錢

甘草

貳錢陸分
炙

杏仁

去皮尖
肆枚

大棗

貳枚
擘

右七味以水二鍾先煮麻黃一二沸去上沫內諸藥
煮取一鍾去滓分二服

病人煩熱汗出則解又如瘧狀日晡所發熱者屬陽明
也脈實者宜下之脈浮虛者宜發汗下之與大承氣湯

發汗宜桂枝湯

雖得陽明證未可便為裏實審看脈候以
別內外其脈實者熱已入府為實可與

大承氣湯下之其脈浮虛者是熱未入
府猶在於表也可與桂枝湯發汗則愈

婦人中風七八日續得寒熱發作有時經水適斷者此
為熱入血室其血必結故為瘧狀發作有時小柴胡湯

主之

詳婦人
傷寒

舌胎

舌上白胎陽明病脇下鞭滿不大便而嘔者小柴胡湯

詳胃實

陽明病脉浮緊咽燥口苦腹滿而喘發熱汗出

不惡寒反惡熱身重若下之則胃中空虛客氣動膈短

氣躁煩心中懊憹者梔子豉湯

方見煩

濕家但頭汗出

背強欲得被覆向火若下之早則噦胸滿小便不利者

丹田有熱胸中有寒也

診脉陰陽俱緊者口中氣出唇口乾燥蹇卧足冷鼻中

涕出舌上胎滑勿妄治也到七日已來其人微發熱手

足温者此為欲解或到八日已上反大熱者此為難治

設使惡寒者必欲嘔也腹內痛者必欲利也

海藏云惡寒必欲嘔

者小柴胡湯腹中痛者理中湯 藏結如結胸狀飲食如故時時下利

寸脉浮關脉小細沉緊舌上白胎滑者難治也若無陽

證不往來寒熱其人反靜者不可攻也

論見藏結

成舌者心之官法應南方火本紅而澤傷寒三四日已

後舌上有膜白滑如胎甚者或燥澀黃黑是數者熱氣

淺深之故也邪氣在表者舌上即無胎及邪氣傳裏津

液結搏則舌上生胎矣寒邪初傳未全成熱或在半表

或在半裏或邪氣客於胸中者皆舌上白胎而滑也經

曰舌上如胎者以丹田有熱胸上有寒邪初傳入裏也

陽明病脇下鞭滿不大便而嘔舌上白胎者可與小柴

胡湯是邪在半表半裏也太陽病若下之則胃中空虛

客氣動膈心中懊憹舌上胎者梔子豉湯主之是邪客

於胸中也若病在臟宜若可下如舌上滑胎者則不可

攻是邪未全成熱猶帶表寒故也及其邪傳為熱則其

舌上之胎不滑而澀也經曰傷寒七八日不解熱結在

裏表裏俱熱時時惡風大渴舌上乾燥而煩欲飲水數

升者白虎加人參湯主之是熱耗津液而滑者已乾也

若熱聚於胃則為之舌黃是熱已深矣金匱要略曰

舌黃未下者下之黃自去 若舌上黑色者又為熱之

不治

傷寒舌胎
極也鍼經曰熱病口乾舌黑者死以心為君主之官開
竅於舌黑為腎色見於心部心部者火也腎者水也水
之邪熱已極鬼賊相刑故知必死也

垣下後病嗽加五味子麥門冬如舌上有滑胎者是胸
中有寒勿用之曾有微寒加辛熱之劑立效 舌燥澀
如楊梅刺者用生薑切厚片蘸蜜於舌上揩之其刺立
消神效

良
無薄荷蜜治舌上白胎乾澀語話不真先以生薑厚片
蘸蜜水揩洗次用薄荷自然汁與白蜜等分調勻傅之

陶傷寒舌上生胎不拘滑白黃黑用井華水浸青布片
洗淨後用生薑切作片子時時浸水刮擦之其胎自退
凡見黑胎如芒刺者必死此熱毒入深十有九死蓋腎
水尅心火也 又舌吐不收者用水片少許搽舌上即
收

○附杜清碧驗證舌法

白胎舌

白胎

紅淡

舌見白胎滑者邪初入裏也丹田有熱胃中有寒乃少陽半表半裏之證也宜小柴胡湯梔子豉湯治之

將瘟舌

純紅

舌見紅色熱蓄於內也不問何經宜用透頂清神散治之

透頂清神散方

猪牙皂角

細辛

白芷

當歸 各等分

為細末和勻令病人先噙水一口以藥少許吹入鼻內吐去水取嚏為度未嚏仍用藥吹入凡瘟疫之家不拘已未患者皆宜用之

中焙舌



舌見紅色內有黑形如小舌者乃邪熱結於裏也君火熾盛反兼水化宜涼膈散大柴胡湯下之

生癩舌

純紅

舌見紅色而有小黑星者熱毒乘虛入胃蓄熱則發斑矣宜用玄參升麻葛根湯即玄參升麻湯加葛根化斑湯解之

紅星舌

純紅星

舌見淡紅中有大紅星者乃少陰君火熱之盛也所不勝者假火勢以侮脾土將欲發黃之候也宜用茵陳五苓散治之

黑尖舌

淡紅

舌見紅色尖見青黑色者水虛火實腎熱所致宜用竹葉石膏湯治之

裏圈舌



舌見淡紅色而中有一紅暈沿皆純黑乃餘毒遺於心胞絡之間與邪火鬱結二火亢極故有是證也以承氣湯下之


人裝舌



亦有此形

舌見紅色更有裂紋如人字形者乃君火燔灼熱毒炎上故發裂也宜用涼膈散

蝕碎色



舌見紅色更有紅點如蟲蝕之狀者乃熱毒熾甚火在上水在下不能相濟故也宜用小承氣湯下之

裏黑舌




舌見紅色內有乾鞭黑色形如小長舌而有刺者此熱毒熾甚堅結大腸金受火制不能平木故也急用調胃承氣湯下之

厥陰舌



舌見紅色內有黑紋者乃陰毒厥于肝經肝主筋故舌見如絲形也用理中合四逆湯溫之

死現舌



舌見黑色水尅火明矣患此者白無一治治者審之

薛余在留都時地官主事鄭汝東妹壻患傷寒得此舌院內醫士曾禧謂當用附子理中湯人咸驚駭遂止亦莫能療困甚治棺曾與之鄰往視之謂用前藥猶

有生理其家既待以死拚從之數劑而愈大抵舌黑
之證有火極似水者卽杜學士所謂薪爲黑炭之意
也宜涼膈散之類以瀉其陽有水來尅火者卽曾醫
士所療之人是也宜理中湯以消陰翳又須以老生
薑切平擦其舌色稍退者可治堅不退者不可治
弘治辛酉金臺姜夢輝患傷寒亦得此舌手足厥逆
吃逆不止衆醫猶作火治幾致危殆院判吳仁齋用
附子理中湯而愈夫醫之爲道有是病必用是藥附
子療寒其效可數柰何世皆以爲必不可用之藥寧
視人之死而不救不亦哀哉至於火極似水之證用

藥得宜効應不異不可便謂百無一治而棄之也

黃胎白

黃胎白

舌見尖白根黃其表證未罷須宜解表然後乃可攻之
如大便秘者用涼膈散加硝黃泡服小便澀者用五苓
散加木通合益元散加薑汁少許以白滾湯調服


黑心白



白


舌見弦白心黑而脉沉微者難治脉浮滑者可汗沉實者可下始病即發此色乃危殆之甚也速進調胃承氣湯下之

十五舌



舌尖白胎二分根黑一分必有身痛惡寒如飲水不至甚者五苓散自汗渴者白虎湯下利者解毒湯此亦危證也

十六舌



舌見白胎中有黑小點亂生者尚有表證其病來之雖惡宜涼膈散微表之表退即當下之下用調胃承氣湯

十七舌



舌見如灰色中間更有黑暈兩條此熱乘腎與命門也

宜急下之服解毒湯下三五次遲則難治如初服量加大黃酒浸泡

舌八

微黃色

舌見微黃色者初病即得之發譫語者由失汗表邪入裏也必用汗下兼行以雙解散加解毒湯兩停主之雙解散加解毒湯方

防風

川芎

當歸

芍藥

大黃

麻黃

連翹

芒硝

荆芥

白朮

梔子

石膏

黃芩

桔梗

甘草

滑石

右每服一兩水一鍾半生薑三片煎八分服不拘時一二云有桂枝二兩

舌九

白胎微黃

舌中見白胎外則微黃者必作泄宜服解毒湯惡寒者五苓散

舌十二

微黃

舌見微黃色者表證未罷宜用小柴胡湯合天水散主之可下者大柴胡湯下之表裏雙除臨證審用之

舌一十二

黃色

色本

舌見黃色者必初白胎而變黃色也皆表而傳裏熱已

舌二十二

白胎

本色

入胃宜急下之若下遲必變黑色為惡證為亢害鬼賊邪氣深也不治宜用調胃承氣湯下之

舌三十二

本色

白胎

舌左白胎而自汗者不可下宜白虎加人參三錢服之

舌右白胎滑者病在肌肉為邪在半表半裏必往來寒

熱宜小柴胡湯和解之

舌四十二



舌左見白胎滑此臟結之證邪併入臟難治

舌五十二



舌見四圍白而中黃者必作煩渴嘔吐之證兼有表者五苓散益元散兼服須待黃盡方可下也

舌六十二



舌見黃而有小黑點者邪徧六腑將入五臟也急服調胃承氣湯下之次進和解散十救四五也

舌七十二



舌見黃而尖白者表少裏多宜天水散一服涼膈散二服合進之脉弦者宜防風通聖散

舌八十二

純黃*

舌見黃而澁有隔瓣者熱已入胃邪毒深矣心火煩渴急以大承氣湯下之若身發黃者用茵陳湯下血用抵當湯水在脇內十棗湯結胸甚者大陷胸湯痞用大黃瀉心湯

舌九十二

微紅 黑灰色


舌見四邊微紅中央灰黑色者此由失下而致用大承氣湯下之熱退可愈必三四下方退五次下之而不退者不治

舌十三

黃色

舌見黃而黑點亂生者其證必渴譫語脉實者生脉澹者死循衣摸牀者不治若下之見黑糞亦不治下宜大承氣湯

舌一十三



舌見黃中黑至尖者熱氣已深兩感見之十當九死惡寒甚者亦死不惡寒而下利者可治調胃承氣湯主之

舌二十三



舌見外淡紅心淡黑者如惡風表未罷用雙解散加解毒湯相半微汗之汗罷急下之如結胸煩躁目直視者


不治非結胸者可治

舌三十三




舌見灰色尖黃不惡風寒脈浮者可下之若惡風惡寒者用雙解散加解毒湯主之三四下之見糞黑不治

舌四十三



舌見灰黑色而有黑紋者脈實急用大承氣湯下之脈

浮渴欲飲水者用涼膈散解之十可救其二三



舌根微黑尖赤之脉浮者當養陰退陽者

惡風寒者微汗之用雙解散若下利用解毒湯十生七

八也



舌根微黑尖黃隱見或有一紋者脈實急用大承氣湯

下之脉浮渴飲水者用涼膈散解之十可救其一二也

已上三十六舌乃傷寒驗證之捷臨證用心處之百

無一失動氣在左不可發汗發汗則頭

眩汗不止筋惕肉瞤動氣在右不可發汗發汗則頭

氣在上不可發汗發汗則氣上衝正在心端

動氣在下不可發汗發汗則無汗心中大煩

骨節苦疼目暈惡寒食則反吐穀不能進

後服小

動氣

動氣者為築築然動跳於腹者是也

動氣在右不可發汗發汗則衄而渴心苦煩飲即吐水

活人云先服五苓散
三服次服竹葉湯

動氣在左不可發汗發汗則頭

眩汗不止筋惕肉瞤

活人云先服防風白朮牡蠣
汗止次服建中湯方見自汗

動

氣在止不可發汗發汗則氣上衝正在心端

活人云宜
服李根湯

見氣
上衝心

動氣在下不可發汗發汗則無汗心中大煩

骨節苦疼目暈惡寒食則反吐穀不能進

活人云先服
大橘皮湯吐

止後服小
建中湯

動氣在右不可下下之則津液內竭咽燥

鼻乾頭眩心悸也

動氣在左不可下下之則腹內拘

忌

急食不下動氣更劇雖身有熱卧則欲捲動氣在上
不可下下之則掌握熱煩身上浮冷熱汗自泄欲得水
自灌動氣在下不可下下之則腹脹滿卒起頭眩食
則下清穀心下痞也

○附保命集方

傷寒汗下後臍左有動氣者宜防葵散

防葵散方

防葵 壹兩

木香 不見火

柴胡

黃芩 各半兩

右剉為細末每服五錢水煎服

傷寒汗下後臍下有動氣者宜枳殼散

枳殼散方

枳殼 麩炒

枳殼

木香 不見火 各伍錢

赤茯苓

歸

三稜 炮各 壹兩

右為末每服五錢

湯點服

傷寒汗下後臍右有動氣者宜前胡散

前胡散方

前胡

赤茯苓

大腹皮

人參 各伍錢

木香

檳榔

大黃 各叁錢

右為細末每服五錢沸湯點服

傷寒汗下後臍下有動氣者宜茯苓散

茯苓散方

赤茯苓 壹兩

桂心

大腹皮

川蘘香 炮炒

良薑 各伍錢

檳榔 叁錢

右為細末每服五錢沸湯點服

如久不治傳為積熱治之難痊不可汗下也

漱水不欲嚥

此證屬陽明凡內有熱

今欲水而不欲嚥是熱

在經而裏無熱也陽明經氣血俱多經中熱甚逼血妄

行故知必作衄也 楊仁齋曰唇燥口乾血證類有之

必欲取水而濯漱也然漱水而不飲水何哉蓋渴者易

為飲陽熱入裏胃中液竭患不與水耳惟夫上焦瘀血

下焦畜血乘肺發燥渴欲獨無是以漱水而不欲下咽

也漱水條例惟血證有焉

陽明身熱頭疼口燥漱水不欲入咽必衄血脉微者

地黃湯 無表證不寒熱 腹滿唇燥口乾漱水不嚥小

黃花湯

先

便多此為瘀血必發狂認者犀角地黃湯甚者抵當丸取
盡黑物為度

吳凡少陰脉沉細手足冷或時煩躁作渴欲漱水不欲
嚥者宜四逆湯溫之又下利厥逆無脉乾嘔煩渴欲漱
水不欲嚥宜白通加猪膽汁人尿主之凡厥陰虵厥傷
寒煩躁吐虵口燥舌乾但欲凉水浸舌及唇時不可離
不欲嚥者宜理中湯加烏梅主之大抵陰證發躁煩渴
不能飲水或有勉強飲下良久復吐或飲水而嘔或噦
逆者皆內寒也蓋無根天守之火遊于咽嗑之間假作
燥渴則不能飲或有能飲水不吐復欲飲者熱也

衄

衄者鼻中出血也雜病衄血在裏傷寒衄血在表病
源曰心主血肝藏血肺主氣開竅于鼻血得熱隨氣上
從鼻出為衄是雜病衄者責其裏熱也經曰傷寒脉浮
緊不發汗因致衄者麻黃湯傷寒六七日不大便頭痛
有熱者與小承氣湯小便清者知不在裏仍在表也當
須發汗若頭痛者必衄宜桂枝湯是傷寒衄者責其表
熱也衄雖為熱在經又有不可汗者經曰衄不可汗汗
則額上陷脉緊急直視不能眴不得眠是也前云桂枝
麻黃證者非治衄也蓋以發散經中邪氣使其不得擁

盛于經迫上而妄行也衄為熱無寒是以三陰無衄經曰少陰病但厥無汗而強發之必動其血或從口鼻或從目出是名下厥上竭者死非衄也又衄但頭汗出身無汗及汗出不至足者亦死證也

太陽傷寒脉浮緊不發汗因致衄者麻黃湯主之

活人云衄

後脉浮者宜麻黃湯衄後脉已微者不可行麻黃湯宜黃芩芍藥湯

太陽病脉浮緊無

汗發熱身疼痛八九日不解表證仍在此當發其汗服藥已微除其人發煩目瞑劇者必衄乃解所以然者陽氣重故也麻黃湯主之

張或謂經言衄家不可發汗汗出必額上陷今衄血

之證皆贅麻黃於其下何也夫太陽脉浮緊發熱無汗自衄者愈此一定之論也何故復用麻黃湯以汗之仲景豈有前後相反之理哉然前條麻黃湯主之五字合當用于當發其汗之下盖以漢之文法用藥諸方皆贅于外條之末且如大青龍湯證既云脉微弱汗出惡風者不可服服之厥逆筋惕肉瞤此為逆也又以大青龍湯主之皆此例也

太陽中風以火劫發汗邪風被火兩陽相熏其身發黃陽盛欲衄陰虛小便難頭汗腹滿微喘口乾咽爛或不

大便讞語甚者至噦捻衣摸牀小便利者可治

詳身黃門

太陽病脉浮緊發熱無汗而衄者愈也

陽明病口燥但欲漱水不欲嚥者此必衄成陽明之脉起於鼻絡於

口陽明裏熱則渴欲飲水此口燥但欲漱水不欲嚥者是熱在經而裏無熱也陽明氣血俱多經中熱甚迫血妄行必作衄也○當責熱黃芩芍藥湯衄乃解黃芩湯

食者則衄黃芩湯 脉浮發熱口乾鼻燥能

少陰病但厥無汗而強發之必動其血或從口鼻或從

目出名下厥上竭為難治

禁忌衄家不可發汗汗出必額上陷脉急緊直視不能

瞬不得眠衄忌發汗者為無脉若浮緊身疼發熱惡寒之證宜發之 動氣發汗則

衄而渴飲水即吐詳動氣

附

海仲景言衄不可發汗者蓋為脉微也若浮緊者麻黃

湯浮緩者桂枝湯脉已微二藥不可用犀角地黄湯主

之仲景云衄家不可發汗汗出必額上陷脉緊急直視不能瞬不得眠又云亡血不可發其表汗出即寒燥而

振此二說皆為脉微不可汗也若脉浮緊及浮緩者皆當發之是也

活傷寒衄血脈已微者黃芩芍藥湯犀角地黄湯主之

犀角地黄湯治傷寒應發汗而不發汗內有瘀血鼻衄

吐血面黃大便黑此方主消化瘀血

芍藥壹兩 生地黄壹兩 牡丹皮

犀角各貳錢半

易寒切

失之六

右吹咀每服五錢水一盞半煎取一盞有熱如狂者
加黃芩一兩其人脉大來遲腹不滿自言滿者為無
熱不用黃芩

茅花湯治鼻衄不止用茅花尖一把以水三盞濃煎汁
一盞分二服即瘥無花以根代之

若衄而渴者心煩飲則吐水先服五苓散次服竹葉湯
本治傷寒衄血滑石丸

滑石末不以多少飯丸如桐子大每服十丸微嚼破
新水咽下立止用藥末一錢飯少許同嚼下亦得老
幼皆可服湯晦叔云鼻衄者當汗不汗所致其血青

黑時不以多少乃止宜服溫和藥以調其衛纔見鮮
血急以此藥治之

戴古論鼻衄屬太陽經風寒皆有之既衄而表證仍在
於寒當用麻黃湯於風當用桂枝湯且謂發煩目瞑
極者必衄既發煩目瞑豈純是太陽經兼陽明之脉循
鼻是太陽侵入陽明汗下俱難若衄已而熱不退者惟
升麻葛根湯敗毒散陽旦湯為穩衄而煩渴飲則吐水
先服五苓散次服竹葉石膏湯大衄不止宜茅花湯或
黃芩芍藥湯加茅花一撮若少陰初得病醫誤以止
發汗之法致迫血動經妄行而衄其血非獨出於鼻或

從口中或從耳目又有陽陷入陰四肢厥逆醫見其厥
謂寒邪在表從而汗之當下反汗以致動血是謂下厥
上逆為難治先哲云桂枝下咽陽盛則斃正以此也要
知汗不出徹為陽之衄誤發其汗為陰之衄二者大不
同也又云陽盛陰虛汗之則死

陶傷寒衄血或成流久不止者將山梔炒黑色為細末
吹入鼻内外用水濕草紙搭於鼻中其血自止須分點
滴成流者其邪在經不在此法 墨汁五倍子燒灰或
服或吹隨用又或刺曲池合谷瀉之

夫凡吐血衄血無表證脈不浮緊者不可發汗也東垣

云脈微者宜黃芩芍藥湯脈滑數者犀角地黄湯如熱
盛血不止者河間地黃散古方四生丸血虛者東垣麥
門冬飲子三黃補血湯若不止者活人茜根散茅花湯
主之也以上皆治吐血衄血之良方但在出入通變也
大抵吐血衄血脈滑小者生脈實大者死或吐或衄後
脈微者易治若熱反盛脈反數急者死也若衄而頭汗
出或身上有汗不至足者乃難治也凡血得熱則行得
冷則凝見黑則止所以犀角地黄湯中加好京墨一二
匙攪藥令黑與之最效也昔陶尚文治一人傷寒四五
日吐血不止醫以犀角地黄湯茅花湯治之反劇陶公

傷寒論 卷之六
切其脉浮緊而數遂則麻黃湯一服汗出而愈也可謂
得仲景之心法矣若脉不浮緊而數者此法豈可施乎

吐血

成雜病吐血咯血責為實邪傷寒吐血咯血皆由誤汗
下并火逆而致誠非寒病熱之微甚者是為壞病宜
隨其逆而調之惟少陰厥竭誤汗一證強動經血故云
難治也

凡服桂枝湯吐者其後必吐膿血

黃芩湯 黃升麻湯

麻

脉浮

熱甚反灸之必咽燥吐血

此火邪迫血而血上行者也 茅花湯 解毒湯 黃芩芍

藥湯

少陰病但厥無汗強發之必動其血或從口鼻或

從目出名下厥上竭

難治

少陰證惡寒發熱無頭

疼誤大汗使血從耳目口鼻出者名陰血多不語此與

鼻衄陽血不同 傷寒六七日大下後寸脉沉而遲手足厥逆下部脉不至咽喉不利唾膿血泄利不止者為

難治 麻黃升 麻湯 咽痛吐血若面赤斑斑如錦紋者為陽

毒宜升麻鼈甲湯

○附

垣治一貧士病脾胃虛與補劑藥愈後繼而居曠室卧熱炕咳而吐血數次予謂此久虛弱外有寒形而有火熱在內上氣不足陽氣外虛當補表之陽氣瀉裏之虛熱蓋冬居曠室衣服單薄是重虛其陽表有大寒壅遏裏熱火邪不得舒伸故血出於口因思仲景治傷寒脉

浮緊當以麻黃湯發汗而不與之遂成衄血却與麻黃湯立愈與此甚同因與麻黃人參芍藥湯

麻黃 壹錢去 外寒

桂枝 半錢補 表虛

白芍藥 一錢

黃芪 壹錢實 表益衛

炙甘草 壹錢 補脾

五味子 伍粒安 肺氣

麥門冬 叁分保 肺氣

人參 叁分益三焦元氣 不足而實其表

當歸 五分和 血養血

右咬咀作一服水三盞煎麻黃令沸去沫至二盞入餘藥同煎至一盞去滓熱服臨卧一服愈觀此一方足以為萬世模範也蓋取仲景麻黃湯與補劑各半

服之但凡虛人合用仲景方者皆當以此為則也
活傷寒吐血諸陽受邪初熱在表應發汗熱毒入經結
於五藏內有瘀積故吐血也瘀血甚者抵當湯也輕者
桃仁承氣湯兼服犀角地黄湯三黃丸

便膿血

便膿血熱病也其在太陽者誤發淋家汗因便血猪苓
湯此壞病也由小便淋瀝所致故利其小便而愈陽明
病下血譫語此熱入血室刺期門以散其熱也無表裏
證因下後協熱便膿血者熱勢下流故也其在少陰下
利便膿血又有至四五日腹痛便膿血治以桃花湯成
氏釋為裏寒非也桃花湯雖犯乾薑然分兩最微赤石
脂粳米居多蓋調正氣澀滑脫佐用辛以散之之義又
八九日一身盡熱必便血也又便膿血者可刺厥陰又
傷寒先厥後熱必便膿血又傷寒厥少熱微後必便血

又下利脉數而渴必清膿血是數者皆傳經之熱邪也
各隨其輕重或用微涼或用疎導無不愈者誤用辛熱
罔或得痊世因以為難療之疾殊不知仲景著便膿血
別無死候學者宜究心焉

太陽病以火熏之不得汗其人必躁再到太陽經不解
必清血為火邪此火邪迫血而血下行者也太陽病下之其脉促

不結胸者為欲解脉沉滑者協熱利脉浮滑者必下血

淋家不可發汗發汗必便膿血 太陽病外已解但

少腹急結者桃仁承氣湯證也詳前

陽明病人無表裏證發熱七八日雖脉浮數者可下之

假令已下脉數不解下不止必協熱而便膿血也 陽

明病下血譫語此熱入血室也但頭汗者刺期門

衝脉為血海即血室也男女均有之男子下血譫語

婦人寒熱似瘧皆為熱入血室迫血下行則為協熱

而利挾血之脉乍澁乍數或沉或伏血熱交併則脉

洪盛大抵男多在左手女多在右手見之也又有陰

寒為病下利膿血者乃下焦虛寒腸胃不固清濁不

分而便下膿血也二者一為血熱一為血寒臨病宜

詳審之

少陰病八九日一身手足盡熱以熱在膀胱必便血也

少陰病下利便膿血者可刺

厥陰傷寒先厥後發熱下利必自止若不止必便膿血傷寒熱少厥微指頭寒默默不欲食煩躁小便利色白者此熱除也欲得食為欲愈若厥而嘔胸脇煩滿者其後必便膿血傷寒厥少熱多其病當愈四日至七日熱不除者必便膿血下利脈數而渴者今自愈設不差必清膿血下利寸脈反浮數尺中自奮者必清

膿血

吳凡下血便膿血有陰陽冷熱之不同要詳辨之古人云見血無寒又言血得熱而行此大槩之言也大

抵屬熱者常八九屬寒者纔一二不可拘泥謂無寒也要略曰陽證內熱則下鮮血陰證內寒則下紫黑如豚肝也且夫陽證脈數而有力者為實熱苦寒之藥可投若數而無力者虛熱當甘溫養血藥中少佐寒藥可也若陰證則脈遲而有力者為有神可治無力者難治也凡下利膿血身熱脈大者為難治身熱脈小者為易治也病有畜血而喜忘者證之甚也宜

抵當湯太陽病熱結胸臆如狂者證之輕也宜桃人承

畜血

身黃如狂屎黑喜忘皆畜血之證也許學士云血在上則喜忘在下則發狂

成血留下焦而瘀者畜血也大抵傷寒先看面目次觀口舌次觀心下至少腹以手揣之若少腹鞭滿若小便不利者是津液留結可利小便若小便自利者是畜血證可下瘀血其陽明病有畜血而喜忘者證之甚也宜抵當湯太陽有熱結膀胱如狂者證之輕也宜桃人承氣湯經云病人無表裏證發熱七八日脉雖浮數可下之假令已下脉數不解合熱則消穀善飢至六七日不

大便者此有瘀血抵當湯主之若脉數不解而下不止必協熱而便膿血也此證當不大便六七日之際又無喜忘如狂并少腹鞭滿之候與承氣下者多矣何以知為畜血盖脉浮而數浮則熱傷氣數則熱傷血因下之後浮數俱去則已若下後數去而脉但浮者則榮血間熱去併於衛氣間熱心中則飢也邪熱不殺穀則有潮熱發渴之證也及下之後渴去而數不解者則衛氣間熱去合于榮血間之熱熱氣合併逼血下行胃虛協熱消穀善飢血至下焦若下不止則血得以去泄必便膿血也若不大便六七日則血不得出泄蓄在下焦為瘀

血須抵當湯下之比實證之奇異治法之玄微也

太陽病六七日表證仍在脉微而沉反不結胸其人發

狂者以熱在下焦少腹當鞭滿小便自利者下血乃愈

所以然者以太陽隨經瘀熱在裏故也抵當湯主之

陽經也膀胱府也此太陽瘀熱隨經入府者也六七日者邪氣傳裏之時也脉微而沉邪氣在裏之脉也表證乃在者則邪氣猶淺當結於胸中若不結於胸中其人發狂者熱結在膀胱也經曰熱結膀胱其人如狂在此發狂則熱又深也

少腹鞭滿小便不利者為無血也小便自利者血證諦也

抵當湯以下畜血○按玩仍在字則邪氣為不傳於裏非猶淺也膀胱為太陽本經曰熱在下焦曰少腹鞭滿曰小便自利皆膀胱之證故總結曰隨經瘀熱也在

裏二字要看得活非三陰之裏乃隨經膀胱之裏也

太陽病身黃脉沉結少腹

鞭小便不利者為無血也小便自利其人如狂者血

證

諦也抵當湯主之身黃脉沉結少腹鞭小便不利者
熱發黃也可與茵陳湯身黃脉沉
少腹鞭小便自利其人如狂者非胃中瘀熱為
熱結下焦而為畜血也與抵當湯以下畜血

水蛭參十箇

三蟲參拾箇去

桃人貳拾箇
去皮尖

大黃酒浸
參兩

右四味為末以水五升煮取三升去滓溫服二升不
下再服

苦走血鹹勝血蠱虫水蛭之鹹苦以除畜血
甘緩結苦泄熱桃人大黃之甘苦以下結熱
人之所有者氣與血也氣為陽氣留而不行者則易
散以陽病易治故也血為陰血畜而不行者則難散

陰病難治故也血畜于下非大毒駛劑則不能抵當
故治畜血曰抵當湯內經曰鹹勝血血畜於下必以
鹹為主故以水蛭鹹寒為君苦走血血結不行必以
苦為助是以蠱虫苦寒為臣肝者血之源血聚則肝
氣燥肝苦急食甘以緩之散血緩肝是以桃人味苦
甘平為佐大黃味苦寒濕氣在下以苦泄之血亦濕
類也蕩血逐熱是以大黃為使四物相合雖苛毒重
病亦獲全濟

傷寒有熱少腹滿應小便不利今反利者為有血也當
下之不可餘藥宜抵當丸成傷寒有熱少腹滿是畜血
於下焦若熱畜津液不通則

傷寒論卷之六 五十一
小便不利其熱不畜津液而畜血不行小便自利者乃
為畜血當與桃人承氣湯抵當湯下之然此無身黃尿
黑又無喜忘發狂是未至於甚故不可與其餘峻峻之
藥也可與抵當丸小可下之也○按身黃尿黑喜忘發
狂亦是推廣之詞若依
上文只是滿而不鞭耳

抵當丸方

水蛭 貳拾箇

蠃蟲 貳拾伍箇

桃人 貳拾箇
去皮尖

大黃 參兩

右四味杵分為四丸以水一升煮一丸取七合服之
晬時當下血若不下者更服

太陽病不解熱結膀胱其人如狂血自下下者愈其外
不解者尚未可攻當先解外外解已但少腹急結者乃

可攻之宜桃核承氣湯

按犀角地黃湯以治上血如土
血衄血為上血也桃仁承氣湯

治中血如畜血中焦下利膿血之類為中血也抵當湯
丸治下焦血如血證如狂之類是下血也上中下三焦
各有主治此條當作三證看至下者愈是一證謂其血
自下也疑有闕文至當先解外是一證蓋其人如狂是
下焦血非衄人承氣證也自外解至末又是一證恐是
自下只去得下焦血而中焦道遠未能盡去故尚留於
少腹耳又抵當湯丸其中蠃蟲水蛭性為猛厲不若四
物湯加酒浸大黃各半下之妙見湯液本草水蛭條下

桃核承氣湯方

桃人 伍拾箇
去皮尖

桂枝 去麤皮

芒硝

甘草 炙各 貳兩

大黃 四兩

右五味以水七升煮取二升半去滓內芒硝更上火
微沸下火先食溫服五合日三服當微利

甘以緩之辛以散之少腹急結緩以朮人之甘下焦
畜血散以桂枝辛熱之氣寒以取之熱甚搏血故加
二物於調胃承氣湯中也○按以上證玩之當是桂
非桂枝也蓋桂枝輕揚治上桂厚重治下成氏隨文
順釋未足據

陽明陽明證其人喜忘者必有畜血所以然者本有久

瘀血故令喜忘屎雖鞭大便反易其色必黑宜抵當湯

下之成內經曰血并於下亂而喜忘此下焦本有久瘀
血所以喜忘也津液少大便鞭以畜血在內屎雖

鞭大便反易其色黑也
與抵當湯以下瘀血

海初便褐色者重再便深褐色者愈重三便黑色者

為尤重色變者以其火燥也如羊血在日色中須臾

變褐色久則漸變而為黑色即此意也當詳察之

病人無表裏證發熱七八日雖脉浮數者可下之假令

已下脉不解胃熱則消穀善飢至六七日不大便者有

瘀血宜抵當湯若脉數不解血下不止必協熱而便膿

血也

成當不大便六七日之際無喜忘如狂之證又無少

腹鞭滿之候何以知其有畜血蓋以其脉浮數故也

浮則熱客於氣數則熱客於血下後浮數俱去則病

已若下後數去而浮仍在則榮血中熱去而衛氣中

熱在為邪氣獨留心下善飢邪熱不殺穀潮熱反渴

也若下後浮去而數不解則衛氣中熱去而榮血中

熱在血熱合併迫血下行胃虛協熱消穀善飢血至
下焦若下不止則血得以泄必膿血也若不大便六
七日則血不得出泄必畜在下焦為瘀血故須以抵
當湯下之

張或問攻下之法須外無表證裏有下證然後可攻
上言無表裏證况脉更浮數何故言可下之曰此非
風寒之所病是由內傷而致然也若外不惡寒裏無
譫語但七八日發熱有燥津液乃陽盛陰虛之時苟
不攻之其熱不已而變生焉故云雖脉浮數可下不
待沉實而攻之夫內傷者經曰趺陽脉浮而數浮則

傷胃數則傷脾此非本病醫特下之所為也仲景之
意不外是理凡傷寒當下之證皆從太陽陽明在經
之邪而入于府故下之今不言陽明病而止云病人
無表裏證此非自表之裏而病也但為可下故編于
陽明篇中學者宜詳玩焉

病者胸滿痞痿舌青口燥但漱水不欲下咽無寒熱脉
微大來遲腹不滿其人言我滿為有瘀血

海云漱水不咽胸滿心下

不可近者桃

病者如熱狀煩滿口乾燥而渴其脉反無熱此為陰伏
是瘀血也當下之

活前集云傷寒失汗熱畜在裏熱化為血其人善心
而如狂血上逆則善忘血下畜則內急甚者抵當湯
丸桃仁承氣湯犀角地黄湯取盡黑物為効又云若
用抵當湯丸更宜詳慎審其有無表證若有畜血而
外不解亦未可使用宜先用桂枝湯以解外緣執客
勝暘太陽經也

吳凡畜血者瘀血留結于內蓋傷寒病在太陽當汗
不汗則瘀血在裏必血結也大抵看傷寒病人心下
兩脇少腹但有鞞滿處以手按則痛者便當問其小
便何如若小便不利乃水與氣也若小便自利者為

有血也

陶以手按之小腹若痛而小水自利大便黑兼或身
黃譫妄燥渴脉沉實者為畜血桃仁承氣湯下盡黑
物則愈若按之小腹胀滿不鞞痛小水不利則溺澁
也五苓散加減利之不可大利恐耗減津液也若按
小腹遶臍鞞痛渴而小水短赤大便實者有燥屎也
大承氣湯下之

○附

海血證古人用藥雖有輕重之殊而無上下之別今分
作上中下三等以衄血嘔血唾血吐血為上部血結胸

中為中部畜血下焦為下部夫既有三部之分故藥亦當隨其輕重也

汗多為衄血脈浮灸之咽燥為唾血當汗不汗熱入于裏者為嘔血吐血此在上也犀角地黄湯主之涼膈散加生地黃亦可然衄唾嘔吐俱在上亦當以輕重分之大凡血證皆不飲水惟氣證則飲之宜詳審此證乃足太陰所主脾所不裹越而上行所以有吐血嘔血之候也實者犀角地黄湯虛者黃芩芍藥湯凡病嘔吐者以脾所主故咸用芍藥主之是知太陰藥也

血結胸中頭痛身痛嗽水不欲嚥者衄無熱胸滿漱水不欲嚥者喜忘昏迷其人如狂心下手不可近者血在中也桃仁承氣湯主之

畜血下焦其人發狂小腹滿鞭小便自利大便反黑及臍下疼者抵當湯丸主之如狂者在中發狂者在下抵當湯丸藥味同劑如何是二法蓋喜忘發狂身黃是黑者疾之甚也但小腹滿鞭小便利者輕也故有湯丸之別桃仁大黃等分水蛭蟲重多者作湯三之二者作丸丸之名取其數少而緩也故湯用煎服一升丸止服七合也

生地黃湯

病人七八日後兩手脈沉細微膚冷臍

傷寒論卷之六
滿或狂或躁大便實而色黑小便自利者此畜血證也
若老幼氣虛弱者宜此丸主之

生地黄

取自然汁壹升如無只用生乾地黃貳兩

乾漆

半兩炒烟盡

生藕

自然汁半升如無藕用刺薊汁壹升半

藍葉

壹握切細者用末半升

蝨蟲

貳拾箇去翅足麩內炒黃色

水蛭

拾箇炒

大黃

壹兩剉如豆大

棗仁

研碎半兩

右八味同一處入水三升慢火熬及二升放冷分二服先投一服至半日許血未下再投之此湯比抵當湯丸其勢甚輕如無地黃與藕汁升數添水同煎抵當丸恐用之太過不止損血故以此湯主之

腹中雷鳴

成腹中雷鳴有二證壞病也其一由傷寒反下之而致

者

甘草瀉心湯

以誤下損陰氣故耳其一由傷寒汗出解之

而生者

生薑瀉心湯

以誤汗損陽氣而然蓋用此二湯以復

陰陽之氣耳

傷寒中風醫反下之其人下利日數十行穀不化腹中

雷鳴心下痞鞭乾嘔心煩不得安醫見心下痞復下之

其痞益甚此非結熱以胃虛客氣上逆故使鞭也甘草

瀉心湯主之

詳下利

傷寒汗出解之後胃中不和心下痞鞭乾噫食臭脇下

有水氣腹中雷鳴下利者生薑瀉心湯主之

詳

蹇

成蹇者屈縮不伸是也皆陰寒之極雖在陽經見是證者然有表證亦宜用溫經之劑桂枝附子是也况在三陰裏寒下利厥逆者乎四逆之類其可缺諸若有陰無陽者為不治况陰經裏病霍亂之候四逆之劑其可缺

少陰病下利若利自止惡寒而蹇手足溫者可治

或云四逆

易真少陰病惡寒而蹇時時自煩欲去衣被者可治

胡人湯用少陰病惡寒身蹇而利手足逆冷者不治

少陰四逆惡寒而身蹇脈不至不煩而躁者死

四肢拘急

成拘急者拘強難以屈伸也不拘病證在何經凡見是證皆陰寒所致寒主收引故也仲景之法雖太陽表證及風濕相搏而見攣急者亦處以桂枝加附子湯甘草附子湯之類况陰經裏病霍亂之候四逆之劑其可缺

誦

太陽病發汗漏不止其人惡風小便難四肢微急難以

屈伸桂枝加附子湯

方見自汗

風濕相搏骨節煩疼不得

屈伸汗出短氣小便不利惡風或身微腫甘草附子湯

方見身體痛

傷寒脈浮自汗小便數心煩微惡寒脚攣急

傷寒四服... 本桂枝加附子湯反用桂枝湯攻表誤也作甘草乾薑湯以復其陽若愈足溫更作芍藥甘草湯以伸脚大汗出熱不去內拘急四肢疼又下利厥逆惡寒者四逆湯陰陽易病身體重少氣少腹裏急膝脛拘急者燒視散

○附

吳凡傷寒大汗已出因而露風則汗不流通風邪乘虛襲手經絡故手足攣搐不能屈伸筋脉拘急也宜牛蒡根散主之

牛蒡根散方

牛蒡根

十段

麻黃

去根節

川牛膝

天南星

各陸錢

右細剉於石器內入好酒一升同研細另用炭火半秤燒一黃土地坑令通赤去火掃淨投藥於坑內再用炭火燒令黑色取出研為細末每服一錢以好酒大溫熱調下日三服効外以百草膏貼之良自汗身重

多眠鼻鼾語言難出不可下不可火若破火者微則發

奇劇則驚癇瘵痰

防風通聖散

夫痰液者一縮一伸手足用引畜弱下之尺氏也

瘈瘲

成瘈者筋急而縮也瘲者筋緩而伸也或伸縮而不止者瘈瘲也俗謂之搐搦乃風熱甚之病宜以祛風滌熱之涼劑或有可生若妄加灼火及發表之藥則禍不旋踵

太陽發汗已身猶灼熱名風溫脉陰陽俱浮自汗身重多眠鼻鼾語言難出不可下不可火若被火者微則發

黃劇則驚癇瘈瘲

防風通聖散

吳夫瘈瘲者一縮一伸手足相引搐搦不已大抵與嬰孩發搐相似古人以此證多屬於風蓋風主搖動也駱

龍吉言心主脉肝主筋心屬火肝屬木火主熱木主風
風火相扇則為瘈瘲也若夫不因汗下後所生者當平
肝木降心火佐以和血脉之劑主之如羌活防風黃芩
柴胡黃連芍藥生地黃當歸川芎天麻之類若兼有痰
者必加竹瀝天南星半夏如風邪急搐須加全蝎白僵
蠶之類若傷寒曾經汗下後多日傳變而得此證者為
病勢已過多難治也蓋因虛極生風所致須用小續命
湯或大建中湯增損一二味主之凡傷寒汗出露風則
汗不通流遂變筋脉攣急手足搐搦者宜牛蒡根散主
之又風温被火微發黃色劇如驚癇時發瘈瘲者宜萎

蕤湯主之若瘈瘲戴眼反折絕汗乃出大如貫珠者身
不流者此太陽終也不可治又有四肢繫習動而不止
似瘈瘲而無力抽搐者此為肝絕蓋汗下後變生此證
者多死凡用小續命湯有汗去麻黃無汗去黃芩要在
通變而已

妙在脉浮虛而濇脉若沉實滑大數者非也
太陽傷寒八九日風濕相搏身熱煩疼不能轉側不嘔
不渴脉浮虛而濇者桂枝附子湯若大便鞅小便自利
者桂枝去桂加白朮湯風濕相搏骨節煩疼掣痛不
得屈伸近之則痛劇汗出短氣小便不利惡風不欲去

風濕相搏

成風濕相搏有二證其一則本是傷寒至八九日復遇風濕相搏者桂枝附子湯以散表中風濕其一則只是風濕相搏骨節煩疼等證宜甘草附子湯以散濕固衛能認此證妙在脉浮虛而濇脉若沉實滑大數者非也太陽傷寒八九日風濕相搏身體煩疼不能轉側不嘔不渴脉浮虛而濇者桂枝附子湯若大便鞭小便自利者桂枝去桂加白朮湯風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者甘草附子湯

奔豚

奔豚有二皆壞病也一由誤汗所致一由誤加燒針所致

太陽發汗後其人臍下悸者欲作奔豚茯苓桂枝甘草

大棗湯主之方見悸燒針令其汗針處被寒核起而赤

若必發奔豚氣從少腹上衝心者灸其核上各一壯與桂枝加桂湯更加桂二兩

吳夫奔豚者如豕突之狀氣從少腹上衝心而痛也

凡欲作奔豚者其氣在臍下築然而動也宜茯苓大

棗湯主之或理中湯去白朮加肉桂主之痛甚者更

加吳茱萸亦佳凡燒針令其汗出者針處被寒核起而赤必發奔豚也宜灸其核上各一壯與桂枝加桂湯主之若痛甚手足厥逆者宜當歸四逆湯加肉桂吳茱萸主之惟桂大能泄奔豚凡藥中不可缺也
茯苓桂枝甘草大棗湯方

茯苓

半斤

甘草

炙貳兩

大棗

拾伍枚

桂枝

肆兩

右四味以甘爛水一斗先煮茯苓減二升內諸藥煮取三升去滓溫服一升日三服

腫

腫有三證太陽風濕相搏身微腫者宜治濕陽明中風耳前後腫者宜刺大病差後腰以下腫者宜利小便風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

陽明中風脈弦浮大而短氣腹都滿脇下及心痛久按之氣不通鼻乾不得汗嗜卧一身及面目悉黃小便難有潮熱時時噦耳前後腫刺之小瘥

大病差後從腰已下有水氣者牡蠣澤瀉散主之

牡蠣澤瀉散方

牡蠣假

澤瀉

蜀漆

商陸

葶藶

海藻

括萋根各等分

右為末每服一錢或二錢米飲調下小便利為度

身虛胃弱食少者以五苓散加蒼朮陳皮木香砂仁之類主之若人不甚弱者以商陸一味煮粥食之亦佳凡病瘥後足腫者不妨但節飲食胃氣強自消也一方用金毛狗脊煎湯洗之亦效

身癢

太陽病有身癢陽明病有身如蟲行俱為榮衛氣虛微邪在表無從而出故有為癢如蟲行之狀也悉宜各半湯

太陽病得之八九日如瘧狀發熱惡寒熱多寒少其人不能嘔清便欲自可一日二三度發脉微緩者為欲愈也脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必癢宜桂枝麻黃各半湯

陽明病法多汗反無汗其身如蟲行皮中狀者此久虛

故也

宜桂枝麻黃各半湯活人
用木附湯黃芪建中湯

趙蠱行皮中狀者卽經言身癢是也久虛者以表氣不足津液不充於皮膚使腠理枯澁汗難出也若謂虛則當補畢竟陽明受邪為病邪可補乎如用木附黃芪輩皆收汗藥則榮衛鬱閉邪無從出內熱發矣何況其病又無吐利胃虛等證病不在裏但皮膚中表氣虛乏理宜和解可也莫若借用各半湯或有熱者柴胡桂枝湯庶乎甘辛之劑可以和其榮衛通行津液而解未審當否

除中

成除中者藏寒應不能食今反能食者是也有一證悉屬厥陰藏寒其一證由誤服黃芩湯涼藥而致期以必死其一則熱少厥多胃氣在者必愈恐暴來出而復去者死其熱續在者生此不因藥故也

傷寒脉遲六七日而反與黃芩湯徹其熱脉遲為寒今與黃芩湯復除其熱腹中應冷當不能食今反能食此名除中必死 眼睛不慧語言不出而穀食反多者此為除中口雖欲言舌不能言 凡手足厥冷而利不當食而食者恐為除中試與索餅食之發熱者除中不發

熱者非也詳見厥門

下重惡寒身寒惡熱

泄利下重

泄利下重若少陰證欲寐四逆者四逆湯加薤白散若

脈浮誤灸下重

熱者白頭翁湯方論見下利在皮膚熱在骨髓也成皮膚熱

脈遲浮弱誤下

脈浮宜以汗解用火灸之邪無從出因火而盛病從腰已下必重而痺名火逆也蓋人之身不能自溫因表氣

脈遲浮弱惡風寒者表證也醫反下之遂不食腸痛身黃項強小便難復與柴胡湯必下重論見脇痛以自溫故欲

下利脈沉弦者下重也陽無所附飛越而出發為大熱

身熱惡寒身寒惡熱

病人身大熱反欲得近衣者熱在皮膚寒在骨髓也身

大寒反不欲近衣者寒在皮膚熱在骨髓也（成皮膚言淺骨髓言

深皮膚言外骨髓言內身熱欲得衣者表熱裏寒也身寒不欲衣者表寒裏熱也

丹謹按身大熱欲得衣蓋人之身不能自溫因表氣

之實足以自溫雖遇風寒無所畏憚大熱病表氣當

實而喜冷今反欲得衣者表氣虛不足以自溫故欲

近衣恐是病人陰弱陽無所附飛越而出發為大熱

爾當作陰虛治之身大寒反不欲近衣者恐是邪在

表不能自發而為熱表雖無熱邪鬱膚腠表氣大

故不欲近衣爾當作鬱病治之註言表熱裏寒者當
是熱感得淺寒感得深而在內也言表寒裏熱者當
是寒感得淺而在外熱感得深而在內也表裏之寒
熱為重感病耶重感之病必有其名如傷寒重感寒
為溫瘧傷寒更遇風為風溫傷寒更遇溫熱為溫毒
傷寒遇溫氣為溫疫病濕更中暍為濕溫未嘗有所
謂表裏寒熱也然表熱裏寒表寒裏熱何病耶竊嘗
求之論意矣恐為寒熱感之深者發也內經曰亢則
害承乃制謂氣盛之極則受勝已之化而為病也熱
感得深外必惡寒故曰寒在皮膚非寒也熱也熱在

骨髓此火極似水證仲景曰人傷于寒則為病熱
雖甚不死寒感得深外必發熱故曰熱在皮膚非熱
也寒也此傷於寒而熱甚也內經曰甚者反治又曰
寒因熱用熱因寒用病氣深者正氣虛也非反治因
用邪何由伏病何由安

趙詳仲景論中止分皮膚骨髓而不曰表裏者蓋以
皮肉脉筋骨五者素問以為五藏之合主于外而充
于身者也惟曰藏曰府方可言表裏可見皮膚即
髓之上外部浮淺之分骨髓即皮膚之下外部深
之分與經絡屬表藏府屬裏之例不同况仲景出此

證在太陽篇首其為表證明矣是知虛弱素寒之人感邪發熱熱邪浮淺不勝沉寒故外怯而欲得近衣此所以為熱在皮膚寒在骨髓藥宜辛溫至於壯盛素熱之人或酒客葷感邪之初寒未變熱陰邪閉于伏熱陰凝于外熱鬱于內故內煩而不欲近衣此所以寒在皮膚熱在骨髓藥宜辛涼必也一發之餘既散表邪又和正氣此仲景不言之妙若以皮膚為表骨髓為裏則麻黃證骨節疼痛其可名為有表復有裏之證耶

活熱在皮膚寒在骨髓一條仲景無治法宜先與陰旦湯寒已次以小柴胡加桂溫其表又云表熱裏寒者脉須沉而遲手或微厥下利清穀也所以陰證亦有發熱者四逆湯通脉四逆湯主之寒在皮膚熱在骨髓一條仲景亦無治法宜先以白虎加人參湯熱除次以桂枝麻黃各半湯以解其外又云表熱裏寒者脉必滑而厥口燥舌乾也所以少陰惡寒而蹇時時自煩不欲厚衣用大柴胡下之而愈此皆仲景之遺意也

表熱裏寒表寒裏熱

傷寒脉浮此表有熱裏有寒白虎湯主之

少陰病下利清穀裏寒外熱手足厥逆脉微欲絕身反

不惡寒其人面赤色或腹痛或乾嘔或咽痛或利止脉

不出者通脉四逆湯方見下利既吐且利小便復利大汗

出下利清穀內寒外熱脉微欲絕者四逆湯主之成吐利亡

津液則小便當少小便復利而大汗出津液不禁陽氣

天虛也脉微為亡陽若無外熱但內寒下利清穀為純

陰此以熱為陽未絕猶下利清穀裏寒外熱汗出

而厥者通脉四逆湯成下利清穀為裏寒身熱不解為

厥其汗出而厥者陽氣大虛脉浮而遲表熱裏寒下

利清穀者四逆湯主之成浮為表熱遲為裏寒下利清

散寒

表熱裏寒者脉雖沉而遲手足微厥下利清穀此裏寒

也所以陰證亦有發熱者此表解也四逆湯通表寒

裏熱者脉必滑身厥舌乾也所以少陰惡寒而捲此表

寒也時時自煩不欲近衣此裏熱也大柴胡湯

熱多寒少寒多熱少

太陽病發熱惡寒熱多寒少脉微弱者此無陽也不可

發汗宜桂枝二越婢一湯劉氏云脉遲者小建

中加黃芪或溫中

大陽病八九日如瘧狀發熱惡寒熱多寒少其人不嘔

清便欲自可一日二三度發脉微緩者為欲愈脉微惡

寒者此陰陽俱虛不可更發汗更下更吐也面色反有熱

色者未欲解也以其不得小汗出身必痒宜桂枝麻黃
各半湯主之

趙愚詳仲景論中熱多寒少止有二證如上文一證
仲景之意蓋以得病七八日如瘧狀發熱惡寒熱多
寒少十六字為自初至今之證以下文乃是已後擬
病防變之辭當分作三截看若其人不嘔清便欲自
可一日二三度發脈微緩為欲愈此一節乃裏和無
病而脈微緩微者邪氣微緩者陰陽同等脈證皆向
安之兆可不待汗而欲自愈也若脈微而惡寒者此
陰陽俱虛不可發汗更下更吐也此一節宜溫之若

面色反有熱者未欲解也以其不能得小汗出其
必痒宜各半湯此一節必待汗而後愈也活人書不
詳文意却將其人不嘔清便欲自可九字本是欲愈
之證反以他證各半湯汗之又將不可汗吐下及各
半湯證語句並脫略而不言反將其中欲愈之證而
用彼藥汗其所不當汗何也其第二證仲景云太陽
病發熱惡寒熱多寒少脈微弱者亡陽也不可發汗
宜桂枝二越婢一湯活人書于脈微弱上添都大
字豈以仲景論脈為未足而加之乎其第三證尺
遲者仲景論中無熱多寒少語句但云脈浮緊法當

身疼痛宜以汗解之假令尺中遲者不可發汗以
氣不足血少故也活人書但舉尺中遲血少之語自
添寒少熱多四字加于其上因而編入此問中何邪
如一證尺遲者止當收入不可汗門中
劉仲景一書只有熱多寒少之條無寒多熱少之證
又云不煩躁手足厥逆為傷寒脉反浮緩為傷風大
青龍湯或云各半湯

發斑

續增

趙活人一云發斑有兩證有溫毒有熱病又云表虛裏實
熱毒乘虛出于皮膚所以發斑瘡癰疹如錦紋素問謂
之疹愚詳仲景論無此證治但華陀云熱毒未入于胃
而下之胃虛熱入爛胃又熱已入胃不以時下之熱不
得世亦胃爛其斑如鷄頭大微隱起喜者兩脇王仲弓
云下之太早熱氣乘虛入胃故也下之太遲熱留胃中
亦發斑或服熱藥多亦發斑微者赤五死一生劇者黑
十死一生皆用白虎加人參湯一名化斑湯及阿膠大
青湯又索氏新書云陽毒病人出斑皆如灸跡指面大

傷寒發斑 卷之十一
青黑並不免于死者古人云胃爛如此可信矣世之人
或謂斑有生者非斑也皆疹耳其狀如蚊虫咬小點
赤是也故其多生矣今此癰疹如錦紋者疹也非斑也
以斑卽是疹亦非也謂表虛裏實者亦非也如上所言
豈特兩證而已乎

海陽證發斑有四有溫毒發斑有熱病發斑有時氣發
斑有傷寒發斑

斑斑如錦紋或發之四末或發之面部或發之胸背
紅赤者胃熱也紫黑者胃爛也一則下早一則下晚乃
外感熱病而發也宜用玄參升麻湯白虎等藥

王朝表云赤斑

五死

一生黑斑出十死一生皆用白虎人參湯

大青湯兼與紫雪散大妙可下者調胃承氣湯

吳凡發斑有六一日傷寒二日時氣三曰溫毒四曰陽
毒五曰內傷寒六曰陰證

一曰傷寒發斑者蓋因當汗不汗當下不下熱毒蘊于
胃中乃發斑也千金方曰紅赤者為胃熱紫赤者為熱
甚紫黑者為胃爛也故赤斑出者五死一生黑斑出者
十死一生也大抵鮮紅起發者吉雖大亦不妨但忌稠
密成片紫赤者為難治雜黑者為尤難也凡斑既出須
得脈洪數有力身溫足煖者易治若脈沉小足冷元氣
弱者多難治凡斑欲出未出之際且與四味升麻湯先

傷寒發熱 卷之六
透其毒若脉弱者倍加人參食少大便不實者倍用白
朮主之若斑已出則不宜再升發也又不可發汗汗之
更增斑爛又不宜早下下之則斑毒內陷也如脉洪數
熱盛煩渴者以人參化斑湯主之若消斑毒或以犀角
玄參湯大青四物湯之類如熱毒內甚心煩不得眠錯
語呻吟者以黃連解毒湯加玄參升麻大青犀角之類
主之熱甚煩渴喘咳者解毒合化斑湯主之若斑勢稍
退內實不大便譫語有潮熱者大柴胡湯加芒硝或調
胃承氣湯下之曾治一人傷寒八九日發斑四肢強痠
昏沉譫語不知人大便四五日不通以調胃承氣湯一

下而愈如未可下有潮熱煩渴者且與小柴胡湯去
芍藥加黃連山梔黃蘗括蕁根主之或加大青亦佳如無
以大藍葉代之或真青黛代之亦可大抵解胃熱胃爛
之毒必以黃連大青犀角玄參升麻青黛石膏知母黃
芩山梔黃蘗之類也要在審察病情合宜而用之
二曰時氣發斑者乃天疫時行之氣也人感之則憎寒
壯熱身體拘急或嘔逆或喘嗽或胸中煩悶或躁熱起
卧不安或頭痛鼻乾呻吟不得眠此皆斑候也先用紙
燃燈照看病人面部胸堂四肢背心有紅點起者乃發
斑也易老曰凡大紅點發于皮膚之上者謂之斑小紅

傷寒 卷之六
一發鮮紅稀朗者吉若一發如針頭稠密紫赤者凶雜
黑者難治有來勢急者發熱一二日便出斑來勢緩者
發熱三四日而出也凡治例必察病人元氣虛實脈之
有力無力為主若脈微弱元氣虛者必先以三白湯倍
加人參以助真氣次察斑欲出未透者以升麻葛根湯
主之如胃弱人虛者以四君子湯合而用之名曰升君
湯也若斑不透者直指方加紫草茸亦佳若斑疹初出
有表證憎寒壯熱頭痛骨節疼四肢拘急胸中滿悶者
以三因加味羌活散主之或加紫草亦可若斑出稠密

或咽喉不利者犀角消毒飲玄參升麻湯之類主之凡
斑出脈數大煩渴者人參化斑湯主之若發熱或潮熱
不解者以小柴胡湯隨證增損用之或人參敗毒散皆
可出入用之凡斑出而嘔逆者必用陳皮半夏生薑黃
連之類若喘嗽不止者必用知母貝母瓜蒌仁黃芩石
膏之類若咽痛者必用連翹牛蒡子黑玄參升麻苦桔
梗甘草之類若斑出而毒盛者必用犀角大青玄參黃
連黃芩黃檗山梔石膏知母之類主之也北方謂之紅
眼兒瘡氣等名色又多所避忌香臭蓋恐觸之也凡斑
已出未出之時切不可便投寒涼之劑以攻其熱并飲

傷寒發斑 卷之六
涼水等物恐傷胃氣先作嘔吐也又不可發汗攻下虛其表裏之氣其害尤甚也若脉弱者必先有房事要在審問之如有夾陰者必先助真氣為要也

三曰溫毒發斑者活人云初春病人肌肉發斑癰疹如錦紋或咳心悶但嘔者是也冬時觸冒寒毒至春始發初病在表或已汗吐下而表證未罷毒氣未散以此發斑宜用黑膏主之又有冬月溫煖人感乖戾之氣冬末即病至春或被積寒所折毒氣不得洩至天氣暄煖溫毒始發則肌肉斑疹如錦紋而咳心悶但嘔有清汁宜用葛根橘皮湯主之

吳冬應大寒而反大溫人感此

不正之氣而為病者名曰冬溫也若發斑名曰溫毒也六抵治例與時氣同但溫毒發斑尤甚爾活人書謂溫毒斑出如錦紋者以黑膏主之或玄參升麻湯犀角大青湯人參化斑湯青黛一物湯等方皆可選而用之凡溫病發于春熱病發于夏若出斑者治與傷寒同法也此由怫鬱之熱自內而發于外亦非輕也

四曰陽毒發斑者其候狂言下利咽痛面赤斑出如錦紋者以陽毒升麻湯大青四物湯人參化斑湯梔子人湯之類選而用之

詳見本條

五曰內傷寒者此因暑月得之先因傷暑次食涼物并

卧凉處內外皆寒逼其暑火浮遊於表而發斑也海藏
治完顏小將軍病寒熱間作有斑三五點鼻中微血出
兩手脉沉瀋皮膚按之殊無大熱此內傷寒也與調中
湯數服而愈凡交暑者加香薷扁豆主之

六日陰證發斑略例曰陰證發斑亦出胸背手足但稀
少而淡紅也此人元氣素虛或先因慾事內損腎氣或
誤服涼藥太過遂成陰證伏寒于下逼其無根失守之
火聚于胸中上獨熏肺傳於皮膚而發斑點但如蚊蚋
蚤虱咬痕然非大紅點也與調中溫胃加以懷香炒白
芍藥主之寒甚脉微者以大建中湯主之則真陽自回

陰火自降而病乃愈此治本不治標也大抵發斑身溫
之暖脉數大者為順身凉足冷脉微細者為逆也凡治
斑不可專以斑治必察脉之浮沉病之虛實而治之則
為善治斑也若孟浪不察一槩論之而曰不誤於人吾
不之信也

代國華病傷寒四五日身微斑渴欲飲診之沉弦欲絕
厥陰脉也服溫藥數日不已又以薑附等藥覺陽微回
脉生因渴私飲水一杯脉復退又見頭不舉目不開問
之則犯陽身若只與燒褫散則寒而不濟矣遂更用吳
茱萸湯一大服調褫視散連進二服出大汗兩晝夜而

愈

治陽證發斑之劑

升麻葛根湯 凡發斑欲出未出者以此湯升發之若

斑已出者不可用也

升麻 叁錢 葛根

白芍藥 各壹錢 甘草 炙壹錢

右作一服水二鍾煎至一鍾去滓通口服直指方加

紫草茸 壹錢半 治斑不透出者若脉弱加人參 貳錢 胃

虛食少加白朮 貳錢 如腹痛倍加炒白芍藥和之

三因加味羌活散 治斑疹初出增寒壯熱或頭疼身

痛胸中不利者

羌活 上

獨活 中

柴胡 中

前胡 中

枳殼 中

桔梗 中

人參 中

茯苓 中

川芎 中

升麻 上

白芍藥 中

甘草 下

生薑 伍片

右煎法同前 若斑未透者加紫草茸 壹錢半 若脉虛

者倍加人參胃弱食少者加白朮 貳錢 大便自利者亦

加白朮去枳殼若斑出盛或煩熱或咽痛者加荆芥

薄荷防風牛芎子連翹 各壹錢五分 王之若內熱口苦心

煩者加黃芩黃連 各壹錢半 若熱甚舌燥煩渴者更加石

膏 貳錢 知母 壹錢 若喘嗽者亦用之若有痰熱留中

煩悶加括萋仁壹錢若斑毒盛出者須加玄參犀角

各壹錢以消其毒也

加味小柴胡湯 治發斑肌熱潮熱或往來寒熱口苦咽乾

目眩耳聾脇痛胸滿心煩或乾嘔或煩渴或喘或咳

嗽不止者宜服之

柴胡上 人參中 黃芩中 半夏中

甘草下 黃連中 升麻中 白芍藥中

玄參中 生薑叁片 大棗貳枚

煎法同前 若口燥渴去半夏加括萋根壹錢若咽

痛加桔梗貳錢倍用甘草若嘔者還用半夏去括萋

根加生薑減少甘草主之若斑毒出盛加犀角屑壹錢

牛蒡子另炒研壹錢毒甚者更加大青貳錢若胸中煩悶

不利加瓜萋仁壹錢若痰火上喘加桔梗壹錢知母貝

母各壹錢瓜萋仁壹錢桑白皮壹錢主之若喘而舌燥煩渴

脉數大者更加石膏叁錢若脇痛胸滿不利者加枳殼

桔梗各壹錢若心下痞鞭加枳實壹錢黃連倍之

治發斑隱疹或咽喉腫痛或毒氣壅盛

者

真犀角屑上 牛蒡子新瓦上炒香

荆芥穗中 防風中 甘草中

陽寒發斑

右用水二鍾煎至一鍾去粗溫服

若咽痛加苦桔梗錢貳甘草倍之玄參錢貳主之或連翹

薄荷皆可加之內熱者須用黃芩黃連各壹錢主之

解毒防風湯 治發斑隱疹痒痛者

防風上

地骨皮中

黃芪中

赤芍藥中

荆芥中

枳殼中

牛蒡子中炒如前

右煎法同前 一方加當歸黑玄參各壹錢

犀角玄參湯 治發斑毒盛心煩狂言或咽痛者

犀角屑上

升麻中

射干中

黃芩中

人參中

黑玄參上

甘草下 右煎法同前

大青四物湯

大青壹錢半如無以真青黛代之

阿膠

甘草各壹錢 淡豆豉壹百粒

右煎法同前

犀角大青湯 治斑出已盛心煩大熱錯語呻吟不得

眠或咽痛不利者

犀角屑上

大青上

玄參中

甘草下

升麻中

黃連中

黃芩中

黃檗中

山梔子中

右煎法同前

當歸丸 治發斑內實大便不通者

當歸 伍錢

甘草

黃連

大黃

各壹錢半

右將當歸用水一鍾煎成濃膏子以三味為細末和

勻為丸如梧桐子大每服五十九丸溫白湯下以利為

度不利再服

黑膏 治溫毒時氣發斑如錦紋者

生地黄 肆兩

淡豆豉

半升

右二味以猪脂一斤合煎之至濃汁入雄黃伍分麝香

言攪勻丸如彈子大白湯化下未効再服

葛根橘皮湯

療冬溫未即病至春被積寒所折不得

發至夏得熱其寒解冬溫始發肌中斑爛癢疹如錦

紋而咳心悶但嘔吐有清汁宜服此湯即止

葛根

橘皮

杏仁

去皮

知母

黃芩

麻黃

夫節

甘草

炙各半兩

右咬咀每服五錢水一盞半煎至一盞去滓溫服

漏蘆連翹湯

治熱毒發斑無汗大便實者服之

漏蘆

連翹

黃芩

麻黃

白欬

升麻

甘艸

各壹錢

枳實

貳錢

大黃 叁錢 若熱甚者加芒硝貳錢

用水二鍾煎至一鍾下芒硝再煎一二沸去滓溫服
如人行五里地不動者再服一次以利為度

猪膽雞子湯 治熱毒發斑或咽痛或聲音不清或心
煩不眠

猪膽 米醋 各叁合 鷄子 壹枚

右三味合煎三四沸人壯者盡服之弱者須煎六七
沸分為三次服之汗出乃愈

昔連一物湯 治熱病發豌豆瘡者

以黃連一兩用水二鍾煎至一鍾去滓通口服

五物木香湯 治豌豆瘡煩疼者

青木香 貳錢 薰陸香 丁香
礬石 各壹錢 麝香 半分

右用水二鍾煎至一鍾去滓溫服如熱毒盛者加犀
角屑 壹錢 如無以升麻 壹錢 代之若病輕者去礬石

神驗

赤山梔散 治熱毒炎盛徧身發斑甚者發瘡如豌豆

豆

牡丹皮 山梔仁 黃芩

大黃 麻黃 各貳錢半 木香 五分

右水二鍾煎至一鍾去粗溫服

治斑出豌豆瘡塗乃用苾硝為藥和猪膽汁塗瘡上勿動之待其脫落無痕仍卧黃土末上良若病小便澀有血者肉壞瘡皆黑靨不出膿者死

犀角大青湯 治斑毒熱甚煩疼者

大青 伍錢 犀角 屑貳錢半 梔子 拾枚 香豉 壹撮

右煎服法同前

黃連解毒湯 治發斑熱甚心煩不得眠

黃連 叁錢 黃芩 黃檗 山梔子 各貳錢

右用水二鍾煎至一鍾去粗溫服若斑毒盛者加大

青 貳錢 或真青黛 壹錢 調入湯內服之亦妙凡脈弦

數內外熱甚謔語者合小柴胡湯主之若脈洪數內外熱甚舌燥煩渴者合化斑湯主之

加減三黃石膏湯 治熱發斑紫赤煩渴脈洪數者

黃連 上 黃芩 中 黃檗 中 山梔子 中

石膏 中 知母 中 升麻 中 赤芍藥 中

玄參 中 甘草 下 粳米 貳撮

右煎法同前一方斑毒甚者加大青 貳錢 犀角屑 壹錢 乃消熱毒斑瘡之藥也

一方時行發斑瘡以好蜜塗瘡上良又方用蜜煎升

麻塗之

治內傷寒與陰證發斑之劑

通脈四逆湯見下 陰毒升麻湯見陰毒

調中湯

蒼木壹錢 陳皮 砂仁 藿香

白芍藥炒 甘草炙 桔梗 半夏

白芷 羌活 枳殼各壹錢 川芎朱分

麻黃 桂枝各伍分 生薑叁片

右作一服水二鍾煎至一鍾去滓溫服

大建中湯

當歸中 白芍藥中 白朮中 麥門冬上

黃芪上 甘草炙 肉桂中 肉蓯蓉中

人參上 川芎中 附子中 半夏中

熟地黃中 茯苓中 生薑叁片 大棗貳枚

右煎法同前

人參三白湯

白朮中 白茯苓中 白芍藥中 人參上

生薑叁片 大棗貳枚 若脈沉足冷加附子半枚

右煎法同前

治傷寒黑斑曾治一人傷寒七八日因服涼藥太過遂

傷寒發熱 卷之六
變身涼手足厥冷通身黑斑惟心頭溫暖乃伏火也診
其六脉沉細昏沉不知人事亦不能語言狀似尸厥遂
用人參三白湯加熟附子半枚乾薑二錢水二鍾煎一
鍾與之服下待一時許斑色漸紅手足漸暖而甦醒
復有餘熱不清此伏火後作也以黃連解毒竹葉石膏
湯調之而愈

狐惑

外證欲眠目不閉聲啞

狐惑之為病狀如傷寒或因傷寒而變成斯病其狀
默欲眠目牽不得閉卧起不安虫蝕於喉咽為惑蝕於
陰肛為狐不欲食惡聞食臭其面目乍赤乍黑乍白蝕
於上部則聲啞甘草瀉心湯主之方見蝕於下部則
心乾苦參湯洗之蝕於肛者雄黃散熏之用雄黃一
味為末取二瓦合之燒向肛熏之

脉經云病人或從呼吸上蝕其咽喉或從下焦蝕其肛
陰蝕上為惑蝕下為狐狐惑病者猪苓散主之方未
病者脉數無熱微煩默默但欲卧汗出初得之三四日

目赤如鳩眼七八日目四眦一本皆下有黃字黑若能食者膿

已成也赤豆當歸散主之方見雜病下血門

○附

一婦人狐惑聲啞多眠目不閉惡聞食臭不省人事半月後又手足拘強脉數而微細先與竹瀝薑汁一盞服之忽胸中有汗腹鳴即日閉省人事遂用參朮歸陳入竹瀝薑汁飲之五六貼而愈

狐惑傷寒與濕蘊皆蟲證初得狀如傷寒或因傷寒變成此疾大抵傷寒腹內熱食少腸胃空虛三虫行作不食蝕人五藏及下部為蠱二病其候齒無色舌上盡

者唇黑有瘡四肢沉重忽忽喜眠虫蝕其肛門五藏則死當數看其上下唇上唇有瘡虫蝕其藏下唇有瘡虫蝕其肛殺人甚急多因下利而得治蠱桃仁湯黃連犀角湯雄黃銳散主之

治蠱桃仁湯

生艾

桃仁去皮尖炒槐花子碎各壹兩

大棗拾伍箇

右水二盞煎至一盞半分三服

黃連犀角湯治傷寒及諸病之後有蠱出下部者

黃連半兩

犀角壹兩

烏梅半箇

沒藥 貳錢半

右水二大盞半煎至一盞半分三服

雄黃丸 治傷寒狐惑微煩默默欲卧毒氣上攻咽乾
聲啞下蝕濕蘊或便膿血

雄黃 研

當歸 炒各柒錢半

蘆薈 研

麝香 研各貳錢半

檳榔 半兩

右搗研為末煮麵糊為丸如梧桐子大每服十五丸
至一十九丸食前溫粥飲下日三服

雄黃銳散治下部蘊瘡

雄黃

苦參

青箱子

黃連 各半兩

菝仁 去麩尖 貳錢半

右為散以生艾搗汁為丸如棗核大絲裹納下部
竹葉汁更佳冬月無艾只用散裹納亦得意欲行不

能行或有時聞食臭或時如寒無寒如熱無熱口苦小
便赤諸藥不能治得藥即劇吐利如有神靈者身形雖
似和其人脉微數每溺時輒頭痛者六十日乃愈若溺
時頭不痛漸析然者四十日愈若溺時快然但頭眩者
二十日愈體證或未病而預見或病四五日而出或病
二十日或一月微見者各隨其證治之

百合病

合病論曰百合病者謂無經絡百脉一宗悉致病也
八常默默然意欲食不能食意欲卧不能卧意欲行不
能行或有時聞食臭或時如寒無寒如熱無熱口苦小
使赤諸藥不能治得藥即劇吐利如有神靈者身形雖
似和其人脉微數每溺時輒頭痛者六十日乃愈苦溺
時頭不痛淅淅然者四十日愈若溺時快然但頭眩者
二十日愈體證或未病而預見或病四五日而出或病
二十日或一月微見者各隨其證治之

活人云此名百
合傷寒多因陰

寒虛勞大病之後不

平復變成奇疾也

傷寒論卷之六

卷之六

百合病發汗後宜服百合知母湯

百合知母湯方

百合柒枚 知母叁兩切

右先將百合水洗浸一宿當白沫出去其水更以井水二盞煎至一盞去滓又將井水二盞另煎知母取一盞去滓和百合汁一盞同煎取一盞半分溫再服

滑石代赭湯方

百合柒枚 滑石叁兩搗碎綿裹 代赭石彈子大碎

右先將百合水洗淨浸一宿當白沫出去水更以井

水二升煎取一升去滓另用水二升煎二石取一升去滓後合和同煎取一升半分溫再服

百合病吐後宜用百合鷄子湯

百合鷄子湯方

百合柒枚 鷄子黃壹枚

右先將百合水洗浸如前法煎取一升去滓內鷄子黃攪勻再煎至五分服

百合病不經吐下發汗病形如初者宜百合地黄湯

百合地黄湯方

百合柒枚 生地黄汁壹升

右水洗百合浸如前法煎取一升去滓納地黃汁同煎取一升半分溫再服中病勿更服大便當如漆黑

百合病一月不解變成渴者百合洗方主之
右用百合一升以水一斗漬之一宿以洗身洗已食煮餅勿以鹽豉也

百合病渴不瘥者宜括萋牡蠣散

括萋牡蠣散方

括萋根

牡蠣

散各等分

右為末白飲服方寸匕日三服

治傷寒百合病一月不解變成渴疾

百合

括萋根

各壹兩

牡蠣

散各等分

麥門冬

去心焙

山梔仁

炒各柒錢半

甘草

炙半兩

右咬咀每服五錢水一盞入生薑一錢二分竹葉二七片煎至六分不拘時溫服

治百合傷寒腹中滿痛宜服

右用百合一兩炒黃為細末每服二錢米飲下無時

百合病變發熱

一作發寒熱

者宜用百合滑石散

百合滑石散方

百合

壹兩

滑石

叁兩

右為末飲服方寸匕日三服當微利止服熱則除

傷寒百病 卷之六
九十一
百合病見於陰者以陽法救之見於陽者以陰法救之
見陽攻陰復發其汗此為逆見陰攻陽乃復下之此亦
為逆也

兩感

論若兩感於寒者一日太陽受之即與少陰俱病則頭
痛口乾煩滿而渴二日陽明受之即與太陰俱病則腹
滿身熱不欲食譫語三日少陽受之即與厥陰俱病則
耳聾囊縮而厥水漿不入不知人者六日死若三陰三
陽五藏六府皆受病則榮衛不行藏府不通而死矣
活麗安常云脉沉大者太陽少陰沉長者陽明太陰沉
弦者少陽厥陰也諸方書不載兩感脉安常特設以示
後人素問熱論云兩感於寒而病者必不免於死法不
過六日黃帝曰有三日而死者何也岐伯曰陽明者土

二經脉之長也若三日而氣盡則死矣仲景亦無治法
活人書五卷序云傷寒惟兩感不治仲景但一說云兩
感病俱作治有先後證治論引張翼說與仲景同謂如
下利清穀身體疼痛急當救裏宜四逆湯身體疼痛清便自
調急當救表宜桂枝湯證治論并活人書解仲景治有先後
之說皆云治有先後者宜先救裏內纔溫則可醫矣然
救表亦不可緩也以上所論竝先救裏然後救表愚意
當消息之謂如下利不止身體疼痛則先救裏如不下
利身體疼痛則先救表此亦謂之治有先後也然則兩
感證亦有可治之理而不可必也

仲景論兩感為必死之證而復以治有先後發表攻
裏之說繼之者蓋不忍坐視而欲覲其萬一之可活也
活人書云宜救裏以四逆湯後救表以桂枝湯殊不知
仲景云太陽與少陰俱病則頭痛為太陽邪盛於表口
乾而渴為少陰邪盛於裏也陽明與太陰俱病則身熱
譫語為陽明邪盛於表不欲食腹滿為太陰邪盛於裏
也少陽與厥陰俱病則耳聾為少陽邪盛於表囊縮而
厥為厥陰邪盛於裏也三陽之頭痛身熱耳聾救表已
自不可三陰之腹滿口乾渴囊縮而厥不可下乎活人
書引下利身疼痛虛寒救裏之例而欲施於煩渴腹滿

大羌活湯方

防風

羌活

獨活

防已

黃芩

黃連

蒼朮

白朮

甘草

細辛

知母

川芎

生地黄

各壹兩

右咬咀每服半兩水二盞煎至一盞半去渣得清藥

一大盞熱飲之不解再服三四盞解之亦可病愈則

止若有餘證竝依仲景隨經法治之

吳兩感必死不治者乃一日傳二經陰陽俱病也欲治

湯急而有陰急欲治陰急而有陽急表裡不可並攻陰

陽難同一法故不治也活人書有先後之法急救裏宜

四逆湯次救表桂枝湯者此表裏皆寒急救之法非日

傳二經之法也保命集曰內傷于寒外傷于風或內傷

于食外傷于風或先傷于濕而後傷于風或先傷于風

而後傷于濕或先傷于寒而後傷于風之類此亦內外

俱病表裏俱傷乃為可治故宜大羌活湯間有可生者

易老丹溪豈真賢於仲景哉

